

سنه لکی در سعادت ایچون مجیده
یکرمی غروش حسابیله التمش
غروشدر

طشیره ایچون پوسته اجرئی اوله رق
اون بش غروش ضم اولنور

نسخه سی ۴۰ پاره در

تذکره محاکمه سی

آبونه اولوق ایستینلر دائره ندلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجلیات و تحولات

مناسرت ولایتی استیناف محکمه سی اعضا لغنه ارغنی
سنجانی بدایت محکمه سی جزا دائره سی رئیس رفعلو
اسماعیل کامل افندی
محکمه مذکوره اعضا لغنه مکتب حقوق شاهانه
مأذونلرندن عبده عزیمی افندی
محکمه مذکوره اعضا لغنه مکتب مزبور
مأذونلرندن محمد حفظی افندی
محکمه مذکوره اعضا لغنه مکتب مزبور
مأذونلرندن علی لطیفی افندی
محکمه مذکوره اعضا لغنه مکتب مزبور
مأذونلرندن یوردام افندی
محکمه مذکوره اعضا لغنه مکتب مزبور
مأذونلرندن علیکساندروس افندی
محکمه مذکوره اعضا لغنه ارطغرل بدایت
محکمه سی باش کاتب سابق بغوص نجاتی افندی
محکمه مذکوره اعضا لغنه ایکنجی صنف دعوی
وکیللرندن خیار سوم عمریان افندی
ولایت مشارالیه مرکز بدایت محکمه سی اعضا لغنه
مکتب مزبور مأذونلرندن عبدالرحمن شرف افندی
محکمه مذکوره اعضا لغنه مکتب مزبور
مأذونلرندن احمد نجاتی افندی
محکمه مذکوره اعضا لغنه ایکنجی صنف دعوی
وکیللرندن بدوساکی افندی
محکمه مذکوره اعضا لغنه اسکار بدایت محکمه سی
کتبه سندن یوان افندی تعیین اولنورق مومی الهمدن
بوراده بولنمیان اسماعیل کامل و بغوص نجاتی افندیلرندن
ماعداسنک « ذات شوکتسمات حضرت خلافتناهی به
ودولت عالیله صادقانه ایفای حسن خدمت
ایده جکلیرینه و مغایر عدالت و خلاف ناموس و صداقت
احوال و حرکاتی ده ارتکاب اتمیه جکلیرینه » دائر بوکره
امر تحلیفلی اجرا و مومی الهمانک ده اولوجهله لزوم
تحلیفلی محله تبلیغ و انبا قلمشدر .

تبلیغات

بیک ایکی یوز طقسان طقوز سنه سی نهایته قدر
کچن سنه لره راجع و تصفیة دیون قرار نامه سنه تابع
دیون و مطلوبات خزینه نک یوز غروشه مقابل نقداً
یکرمی بش غروش ایضا و استیفاسی یا خود استعدا
ایدلجک یکدیگر یله باشه باش اجرای محسوبی مقرر
اولسنه و طقسان طقوز سنه سی نهایته قدر اولان
بقایا و مطلوبات امیره کلیاً و قطعاً عفو بیورلمسینه بناء
سین عتیقه عائد ذمتی اولیوبده تصفیة قرارینه تابع
الاجنی بولانلرک مطلوبلرینک قرار مذکور وجهله
یوزده یکرمی بشنک دوائر مرکزیه و ولایتیه ادرج
یوز سنه سندن اوچیوز طقوز سنه سی نهایته قدر کچن
اون سنه لک نقده تابع بقایا تحصیللرندن نقداً تسویه سی
اولابده خزینه دن سبق ایدن استیذان اوزرینه مناسب
کورندیکی بیانیله ایجابنک ایفاسی ۵ تشرین ثانی سنه
۳۱۸ تاریخی تذکره سامیه ده امر و ازار بیورلمش
اولدیغندن طقسان طقوز سنه سی نهایته قدر اولان
دیون خزینه نک اوچیوز سنه سندن اوچیوز طقوز
سنه سی نهایته قدر نقده تابع سنه لر بقایای تحصیلاتی
ایله طقسان طقوز سنه سی نهایته قدر عفو عالی به
داخل اولمیان بقایادن تصفیة دیون قرار نامه سی
موجبجه یوز غروشه مقابل یکرمی بش غروش
اعطاسی صورتیه تسویه و ایفاسی لزومی بالعموم
مأمورین مالیه به تبلیغ ایدلمش اولدینی بیانیله نظارت
جلیله عدلیه جه اولوجهله اجرای ایجابی باتذکره مالیه
نظارت جلیله سندن اشعار اولنمش و لازم کلنلره تبایغ
کیفیت قلمشدر .

محاکمه مقدمات

محکمه تمیز استعدا دائره سندن اعطا قننان
۳۱ اغستوس سنه ۳۱۸ تاریخی اعلامدر :
سلیمانیه سنجانی بدایت جزا محکمه سیله مستطقی

طرفندن ویریلان قرارلرک یکدیگرینه مابین اولسندن
طولای تعیین مرجع دعوی طلبی حاوی موصل ولایتی
استیناف محکمه سی مدعی عمومیا کندن اعطا قننان ۲۸
مارت سنه ۳۱۸ تاریخی استعدا نامه و اوراق متفرعه سی
باش مدعی عمومیا ک مأموریت بهیه سنک ۱۷ اغستوس
سنه ۳۱۸ تاریخی تبلیغنامه سیله محکمه تمیز استعدا
دائره سنه تودیع اولنغله قرائت و مطالعه اولندی .
اوراق مذکوره مالرینه نظرأ محمد بن قادر
معروفک کیفیت جرحندن طولای مظنون علیه اولان
سیاحی عزت بن حاجی ابوبکر حقنده اجرا قننان
تحقیقات استنطاقیه نتیجه سنده مرقومک جنبه ایله لزوم
محاکمه سنه دائر مستطقی طرفندن ویریلان قرار وجهله
سلیمانیه سنجانی بدایت محکمه سی جزا دائره سنده جریان
ایدن محاکمه ده خصوص مدعانک جنایت درجه سنده
کورلمسینه رؤیتی صلاحیت خارجنده اولدیغنه و تعیین
اولان مستطقی مخصوص جانبندن اجرا واکال
تحقیقات اولندقدن صکره اوراق دعوانک هیئت
اتهامیه تودییی لزومه قرار ویرلمش وشو حالده
مستطقی ایله محکمه بیننده تحصیل ایدن اختلافک فصل
ورفعیه تعیین مرجع اولنشی و دعوانک آخر بر محل
مستطقی نقل و حواله قلمسی محکمه تمیزه عائد بولنمش
ایدو کندن بحثله مقتضای قانونینک ایفاسی بیان
واستعدا و مارالذکر تبلیغنامه ده دخی اساساً مستطقی
ایله محکمه درجه مساوی اولدینی کبی بر استیناف
محکمه سیله هیئت اتهامیه به مربوط محاکم و مستطقلری
آره سنده فقط بعض احوال معدوده ده تحدث ایدوب
تعیین مرجع طریقله تدقیق و فصلی ضروری کوربینان
اختلافک رفی مدته تابع اولقسزین منسوب اولدقلری
محکمه استینافیه و هیئت اتهامیه به عائد و راجع اولوب
بنابرین کیفیتک هیئت اتهامیه به تودییی لزومندن ذهول
اولنوبده مستطقی ایله محکمه بیننده اختلاف حصوله
ذهاب ایدلمسی مغایر قانون اولدیغنه مبنی طاب واقعک
ردی لازم کله چکی ازار اولنمشدر .
ایجابی لدی المذاکره محکمه جه جنایت نوعندن
کوریلان جرائمندن طولای اتخا و اجرایی لازم کلان
معامله اصول محاکمات جزائیة قانوننک مواد مخصوصه -

سند مصرح اولوب بناءً عليه اوراقك مستنطقه توديعه تنظيم ايديه جك قرارنامه اوزرينه هيئت اتهايميه توديع كيفيت اولغى واورادن دخی قرار محكمه مخالف اوله رق ايشك جنجه نونعدن اولديغه دائر مضبطه اعطا ايدلديكي صورنده اولوقت محكمه ايله هيئت اتهايميه مقرراتي آرسنده اختلاف حصوله مبنى تعيين مرجع طريق قانونيسنه مراجعت ايدلك اصولاً مقتضى اولديني حاده كيفيتك هيئت اتهايميه توديعي لزومندن ذهول ايله مستنطق ايله محكمه بيندهكي اختلافدن طولاني تعيين مرجع طلي ضمننده اوراقك محكمه تمیزه كوندولمى مخالف قانون اولديغندن طلب واقمك ردينه ۳۱ اغستوس سنه ۳۱۸ تاريخنده متفقاً قرار ویرلدی .

ببان آباد قضاسنك بوكلك قريهسى اهاليسندن مولود بن عمرى قتل ايدلديكي ادعا اولغسندن دولاني جنايله اتهايم اوللان قريه مذكورهلى يشار بن احمدك اون بش سنه مدته كورك قونلشنه دائر انقره ولايتي استيناف محكمهسى جزا دائره سندن ويريلان ۹ نومرولى اعلام محكمه تمیز جزا دائره سنجه تصديق اولغشدر . بولوا دين قصبهسى اهاليسندن قدير بن خليلك صانلق قونلشنك كليديني قيردرق بالدخول ذخيره سنى سمرق اتيسندن دولاني جنايله اتهايم اوللان بوردور اوغلي شقاق سالك اوج سنه مدته كورك قونلشنه دائر قره حصار صاحب سنجاني بدايت محكمهسى جزا دائره سندن ويريلان ۳۴ نومرولى اعلام محكمه تمیز جزا دائره سنجه تصديق اولغشدر .

تريفونه قريه سندن بولاييه بنت قالو ياني قتل اتيسندن دولاني جنايله اتهايم اوللان قريه مذكورهلى واسيل ولديناكي حامورانك اون بش سنه مدته كورك قونلشنه دائر مدلولو سنجاني بدايت محكمهسى جزا دائره سندن ويريلان ۱۹ نومرولى اعلام محكمه تمیز جزا دائره سنجه تصديق اولغشدر .

قباجي اوغلي ملا احمدك زوجهمى شرفه يني ضرب وجرح ايله صول كوزني رؤيتدن محروم ايدلديكي ادعاسندن دولاني جنايله اتهايم اوللان اكرى كوز ناحيه سنك قاني قريه سندن على بن مصطفىلك اوج سنه مدته كورك قونلشنه دائر كونا هيه سنجاني بدايت محكمهسى جزا دائره سندن ويريلان ۱۰۱۸ نومرولى اعلام محكمه تمیز جزا دائره سنجه تصديق اولغشدر .

موصلك سراجخانه محله سنده احمد بن عثمان

قورشون انداخت ايدلديكي ادعا اولغسندن دولاني جنايله اتهايم اوللان محله مذكورهلى عليك اوج سنه مدته كورك قونلشنه دائر موصل بدايت محكمهسى جزا دائره سندن ويريلان ۸۸ نومرولى اعلام محكمه تمیز جزا دائره سنجه تصديق اولغشدر .

قوزانه قضاسنك آييكار قريهسى اهاليسندن خضر بن عمرى قتل اتيسندن طولاني جنايله اتهايم اوللان مؤمن بن عزبك اون بش سنه مدته كورك قونلشنه دائر سرفجه سنجاني بدايت محكمهسى جزا دائره سندن ويريلان ۳۰۸ نومرولى اعلام محكمه تمیز جزا دائره سنجه تصديق اولغشدر .

كدوس قضاسنك صابا قريه سندن يونس اوغلي مصطفىاي قتل قصديه جرح ايدلديكي ادعا اولغسندن دولاني جنايله اتهايم اوللان قريه مذكورهلى رنجبر كوسه اوغلي ولي بن عليك اوج سنه مدته كورك قونلشنه دائر كونا هيه سنجاني بدايت محكمهسى جزا دائره سندن ويريلان اوجيوزاللى سكر نومرولى اعلام محكمه تمیز جزا دائره سنجه تصديق اولغشدر .

كوسه قريه سندن چويان احمدك كيفيت جرح وقتلندن دولاني جنايله اتهايم اوللان باغلر بكجيى يعقوب بن يعقوبك اون بش سنه مدته كورك قونلشنه دائر قهرسى سنجاني بدايت محكمهسى جزا دائره سندن ويريلان سكر يوز سكران سكر نومرولى اعلام محكمه تمیز جزا دائره سنجه تصديق اولغشدر .

قادر بن نادر ك قاتلى قوجلى رشیده انای قتله معاونت اتيسندن دولاني جنايله اتهايم اوللان چای محلهلى محمود بن عباسك اوج سنه مدته كورك قونلشنه دائر كركوك سنجاني بدايت محكمهسى جزا دائره سندن ابكجي دفعه اوله رق ويريلان سكران بش نومرولى اعلام محكمه تمیز جزا دائره سنجه تصديق اولغشدر .

بلاييه اعطاسنه ۲۱ كانون ثانی سنه ۳۱۸ تاريخنده محكمه جنايجه قرار ویرلشدر .

قلب مجیدی سورميسندن طولاني متهم بولسان يوناني خرده بو حقه جريان ایدن محاکمه ده مرقومك قلب سورميجلكيله اشتغال ايتديكي روش افادهسى وشهادت وامارات ايله ثابت اولديغندن مجرميته وقانون جزائك يوز قرق اوجنجي ماه سنه توفيقاً اون سنه مدته كورك قونلشنه ۲۱ كانون ثانی سنه ۳۱۸ تاريخنده محكمه جنايجه قرار ویرلشدر .

يدنده حقایق توتون دردست اولنديني ثابت اولان اسماعيلدن رژی نظامنامهسى احكامنه توفيقاً سكران غروش جزای نقدی آلمشنه

امورجه چفتلكي معمولاني اوزرندهكي علامت فارقيني تقليد ايدن ياسندن بش ليرا جزای نقدی آلمشنه بلاوجي اينك كره سى فاطمه يني ضرب ایدن تيورجي قدری بن محمدك برهفته حبسنه

على بكك قر خانه صا قديلق ايتديكي وحق دخولى اولنديني حاده محمود بكك خانه سنه دخي كيرديكي ثابت اولديغندن ايكي آي حبسنه

سامي افسندسك وصفه خاني ضرب ايدلديكي ثابت اولديغندن محكوميت سابقه سنك سبب شدت عديه برآي حبسنه

عبداللهك باركيز سورميجيسى احمدي ضرب وجرح ايدلديكي اكلاشديغندن برهفته حبسنه

تبريسلي احمد افسنديك جمال ونهيمى وبهالدين افسندلر ايله ياني ضرب ايدلديكي تحقيق ايتديكندن بش هفته حبسنه

صالحك ساعتی سرقت ایدن نوری بن حسنك اوج ماه حبسنه وختام مدتده ضابطه جه كفالته ربطنه ومسروق ساعتك صاحبه رد واعاده سنه

اياس اغا قريه سنده ساكنه شكره خانه اطاله لسان ایدن قريه مذكورهلى سزا خانمدين يارم ليرا جزای نقدی آلمشنه

پترونك جاملرني قيرديني تبين ایدن دوزيه زقاغنده ساكنه النيدن اون بشلك جزای نقدی اخذنه

مضارب ايدلكرى ثابت اولان سليمه ده قهره جي سليمان ايله اسماعيلك وبختار محمد اغا ايله معونه جي احمدك بر هفته حبسارينه

قديليلده ساكن ملتيا دينك محمد على يني ضرب ايدلديكي اكلاشديغندن برهفته حبسنه اسكدارده ساكنه خنيفه خانك عبده افسندي يه

حقارت ايدلديكي تحقيق ايتديكندن مزبورده دن يارم ليرا جزای نقدی آلمشنه

ايساقل حقي افسندي يني ضرب ايدلديكي ثابت اولديغندن برهفته حبسنه

يكديكرى ضرب ایدن ملا كوراني محله سنده ساكن آرابه جي طاهر ايله احمد جاوشك اون بش كون حبسارينه چشكلكوني موقعده مستخدم پوليس افرادندن توری افسندي يه حقارت ایدن مناو باقودن بر ليرا جزای نقدی اخذنه وموى ايله نوری افسنديك دخي مرقومى ضرب ايدلديكي ثابت اولديغندن برهفته حبسنه

استيلوي ضرب ایدن بلغورايلى رفيق افسنديك برهفته حبسنه

چنكل كوينده ساكن شيخ احمد افسنديك آشچيسى اسماعيلك روزني ضرب ايدلديكي ثابت اولديغندن برهفته حبسنه

فستقجي يوركينك آپوستولى جرح ايدلديكي ثابت اولديغندن اون كون حبسنه

مضارب ايدلكرى اصولاً ثابت اولان آيرليق چشمه سنده ساكن رنجبر قوجوايله باغچوان پريكليكنك بر هفته حبسارينه

چراق نيقوليني ضرب ایدن اسكدارده قواق اسكله سنده قصاب يوسفك برهفته حبسنه

مضارب ايدن اسكدار اسكله سنده قوه آرابه جيسى محمد اغا لك اون وبارمقلنجي حسينك اون بش كون مدتلره حبسارينه

شريفه خاني ضرب ایدن اسكدارده سلامسز موقعده مستخدم مصطفى رزمي افسنديك بر آلتون آلهرق مضروبويه ويرلشنه

قاسم پاشالى فخر الدينه اطاله لسان واوغلى شوقي يني ضرب ایدن سيد على چايي محله سنده مقیم حسن افسنديك اون كون حبسنه

كميجي اسماعيل اغاني جرح ایدن عرب جامع شريفی جوارنده ساكن بصرينك اوج آي حبسنه

ممالك شاهانه به دخول وفروختي متنوع اولان يياقو بيلتي فروخت ايدلديكي ثابت اولان يونان دولتي تبعه سندن صرافيمدن ايكي ليرا جزای نقدی آلمشنه

سيدرى نام شخصى جرح ايدلديكي اكلاشيلان يثاني كليساسى زقاغنده ساكن ميخلاك ايكي بچق آي حبسنه

طوبخانه ده بوغاز كسانده ساكن مناو احمد ايله عثمانك يكديكرى ضرب ايدلكرى اكلاشديغندن برر هفته حبسارينه

قاسم پاشاده ساكن احمد اغاني ضرب ایدن قندقلیده سليمه خانون محله سنده ساكن حاجي عيلدين بر ليرا آلهرق مضروبويه ويرلشنه

استيلوي ضرب ایدن چفته جوينلرده ساكن فوطيدن بر ليرا آلهرق مضروبويه اعطاسنه

مجارده ساكن زابل بنت ماردروسك، بازارك ناموسنه طوقدور درجه ده سوز سوريلديكي ثابت اولديغندن بش كون حبسنه

دقشمزلك اثرى اوله رق حريق ظهورينه سبيت ويرديكي ثابت اولان صاري يارلى شوقيه خانك ارج كون حبسنه

پوليس چارشى راسم افسندي يه اجراى مأموريت حائده حقارت ایدن يكي كويلى قونديره جي ايلادن بر ليرا جزای نقدی آلمشنه

عثمانه اطاله لسان ایدن عرب جامع شريفی جوارنده ساكن حسن بن ويسلدين يارم ليرا جزای نقدی آلمشنه

طناشي يني ضرب ایدن ماريغو بنت سيمونك اون كون حبسنه

التي يني ضرب وجرح ایدن صاوا ولد ليغورك اون كون حبسنه

خلاف تنيه اذنامه سز عقد نكاح ايدلديكي ثابت اولان حافظ قدری افسنديك بش بشلك جزای نقدی آلمشنه

مضارب ايدلكرى تحقيق ایدن مارقارايه مغرولد آندره تك بر هفته حبسارينه

على به تشهير سلاح ایدن حسين بن احمدك برآي حبسنه

اولغانك اموال منقوله سنه ايراث خسار ایدن احمدن اون بش بشلك جزای نقدی آلمشنه

وارنهلى طاهر ك آخور قبولي آرابه جي خليل ايله حلبى خديجه خانك اشيا لرينى سرقت ايدلديكي ثابت اولديغندن آلي آي حبسنه

بالطلى عليشك دكانندن قهره سرقت ایدن كوفجي ابراهيم بن احمدك اوج آي حبسنه وخشام مدتده ضابطه جه كفالته ربطنه

اوزون چارشوده فروختياق ایدن حسييني ضرب وجرح ایدن چراق عمر بن اسماعيلك برهفته حبسنه

بلاط بالقجیلرندن يوزغاكي رئيسك طاقولرني سرقت ایدن فاطمه ايله رفيقي يره بصاك اوجر آي حبسارينه

يكديكرينه اطاله لسان ایدن شرق شمندوفر قوندوقورلرندن ايليا ويسدن يارم آلتون جزای نقدی آلمشنه ويازيجي شاهين شاحيبانك دخي اون بش كون حبسنه درسعات، بك اوغلى واسكدار بدايت محكمه لری جزا دائره لر نجه قرار ویرلشدر .

مخبريات انتباهيه

خراسان قضاسي ناي و بدایت محكمه سى رئيسى رأفت ومحكمه مذكوره اعضاسندن اولوب مستنطقك وظيفه سنى ايفاليدن مهدى ومستنطق معاونى مصطفى افسندلر ك خلاف قانون حركتسارى بغداد عدليه مفتشك نجه اجرا قلنان تحقيقات اوراقى مندرجاتدن اكلاشديغندن معاون موى ايله ايله قلعده علاقه دار اولدقلى عند التديق تعين ايديه جك سائر كسان حقارنده ده توحيداً تعقيات قانونيه ايفا اولغى اوزره رئيس ومستنطق موى اليهمانك محاكمه آلتنه آلملرينه عدليه نظارت جايلاه سندن مأذونيت ويريله ركه محانه تبليغات مقتضيه اجرا وطرفه عالى مشيختها يه يده معلومات اعطا ايدلشدر .

اعلانات

تجارت بحيره محكمه سنده :

درسماعنده كراسته جيلرده اجراى تجارت ایدن دانييل بزير اوغلك ۱۵ كانون ثانی سنه ۳۱۵ تاريخندن اعتباراً اعلان افلاسنه ومصالح افلاسيه نك رؤيت وتسويه سى ضمننده اعضاى محكمه دن عزتلو مارقار افسنديك زور قوميصر وينيامن قابايقيان افسنديك موقت سنديك تعينلرينه ومغازيه سيله اشياى زانده بيتيه سنك تمهيريته واوراق ودفاترينك جيلنه وكفالت ارابه ايدمه مز ايسه حبس وتوقيفنه وبوباده كي قرارك موقتاً اجراسنه محكمه تجارت بحيره جه قرار ویرلش اولديغندن قانوننامه تجارت ۱۷۰ نجي ماده سى موجبجه دائمي سديكلر انتخاب اولغى اوزره [شباط سنه ۳۱۸] پنجشنبه كوني ساعت ۷ راده لرنده اصحاب مطلوبك محكمه مذكوره نك افلاس اوطنه سنه كلارى لزومى اعلان اولتور .

ايكنجي تجارت محكمه سنده :

بك اوغلنده طوغرى يولده ساكن ايكن ايكنجي تجارت محكمه سندن افلاسنه حكم اولغش اولان تحفجي الويامانديدي ذمتده اله جفنى اثبات وباموقتاً قبول وقيد ايتديرمش اولان اله جقورلك قانوننامه تجارت ۲۱۱ نجي واني ولي ایدن ماده سى موجبجه مفلس طرفندن تكليف اولنه جق قوتقور داتونك مذاكره سى ايچون اشبو اوجيوز اون سكر سنه سى كانون تائيسنك اوتوزنجي پنجشنبه كوننده محكمه مذكوره نك افلاس اوطنه سنه كلارى اعلان اولتور .

اعلامات شرعیه اجرا دأره سنده :

متوفی حاجی عمر لطفی افندی ورثه سنک متوفی حاجی عمر افندی ذمتنده اسکدار محکمه شرعیه سندن ویریلان اعلام شرعی موجبجه الاجقاری اولان مبالغ معلومه نك تأمین استیفاسی ضمتنده مرهون و فروختی محکوم بولنان اسکدارده قپواغاسی جوارنده عراقجهی الحاج محمد محله سنده طوطاشی جاده سنده کائن درتیوز اون اتی نومروایله مرقم برقطعه بستان دروننده مستقر وقف کدکادن نظاملو بستان کدکنک اشبو تاریخ اعلاندن اعتباراً اون بش کون صکره فروخته تشبث اولنه جغندن پی سورمک اوزره طالب اولنلرک وبوندن زیاده معلومات آلق استیانلرک مدت مذکوره ختامندن صکره اعلامات شرعیه اجرا دأره سنده مراجعت ایلملری اعلان اولنور.

عادل اسحق بکک عدویه خانم ذمتنده اسکدار محکمه شرعیه سندن ویریلان اعلام شرعی موجبجه الاججی اولان مبالغ معلومه نك تأمین استیفاسی ضمتنده مرهون و فروختی محکوم بولنان اسکداره تابع قیسیقلی قریه سنده حاجی راشد پاشا زقاغنده واقع برنومروایله مرقم مع باغچه برباب ملک کوشکک نصف حصه سی بوندن مقدم بالمزایده لیرای عثمانی یوز غروشدن اون بیک یوز غروش بدل ایله طالبی اوزرنده بولنش وموقت قرار داده سی کشیده قلنمش اولدیغندن یوزده بش ضمیله بوندن زیاده به طالب اولنلرک اشبو تاریخ اعلاندن اعتباراً اوتوز بر کونه قدر مراجعت ایلملری ومدت مذکوره ختامندن صکره پی قبول اولنیوب تقرر ایدن بدل مقابلی طالبی عهده سنده معامله فراغیه سنک اجرا قلنه جتی اعلامات شرعیه اجرا دأره سندن اعلان اولنور.

محکمہ تجارت اجرا دأره سنده :

اوستریا و مجارستان دولتی تبعه سندن مادام آتسا ووقوپرا نوویچ طرفدن سنوی یوزده اوچ گذشته سیله بانق عثمانی به تودیع ایداش اولان اوچیوز التمش عدد عثمانلی لیراسنی ناطقی اوله رق بانق مذکور دن اخذ اولنان سندن بیک طقوز یوز بر سنه سی حزیرائی اوائلنده ضایع اولمش اولدیغندن تاریخ اعلاندن اعتباراً یکریمی بر کونه قدر مذکور سندن هرکیمک یدنده ایسه محکمه تجارت اجرا دأره سنده ارأه وتسلیم ایلمی ومدت مزبورده ختامنده سند مذکور ظهور ایتمزایسه مبلغ مزبور باشقون جلب وکفالت معتبره اخذ ایله مومی الیا مادام آتسا ووقوپرا نوویچه اعطاو تسایم اولنه جتی دأره مذکوره دن اعلان اولنور.

اعلامات نظامیه اجرا دأره سنده :

جمال افندی نك با اعلام نظامی ایلیاولد کال و آورام ومضریان ومناسج ذمتلرنده محکوم به الاججی اولان مبالغ معلومه نك تأمین استیفاسی چون مدیونلرک عهده تصرفلرنده بولنان بلاطده حاجی عیسی محله سنده قرانلق میخانه زقاغنده طقوز نومرولی خانه نك اون اتی سهم اعتباریله اون اوچ سهم حصه سی التمش برکون مدته اجرا قلنان مزایده نتیجه سنده لیرای عثمانی یوز غروش حسابیله اوچییک بشیوز غروشدن طالبی عهده سنده تقرر التمش وموقتاً قرار داده سی کشیده قلنمش اولدیغندن یوزده بش ضمیله زیاده به طالب اولنلرک پی اچقارایله معاً اوتوز برکون طرفنده درسعادت اعلامات نظامیه اجرا دأره سنده مراجعت ایلملری اعلان اولنور.

شهر امانت جلیله سنک با اعلام نظامی جهت کفالتدن کیغورق اغا ذمتنده محکوم به الاججی اولان مبالغ معلومه نك تأمین استیفاسی چون کفیل مرقومک عهده سنده اولوب محجوز بولنان سیمکشیخانه دروننده ایکی نومرولی فوقنده برباب اوطه پی حاوی شهری یوز الی غروش ایجار کتورر مقدما بربر دکانی والیوم قهوه خانه نك سکنر حصه اعتباریله اتی حصه سنک تاریخ اعلاندن اعتباراً اون بش کون صکره بالمزایده فروخته تشبث اولنه جتی درسعادت اعلامات نظامیه اجرا دأره سندن اعلان اولنور.

محکمہ صغیر بدایت محکمہ سی اجرا دأره سنده :

مقری کوینده مقیم حدیده متصرف اسبقی سعادتو نصرت پاشا حضرت تلرینک قریه مرقومه ده ساکنه جمیله خیرالنسا خانم ذمتنده کوچک چکمجه بدایت محکمہ سی حقوق دأره سی اعلامیله الاججی اولان مبالغ معلومه نك تأمین اخذواستیفاسی ضمتنده مدیونه مومی الیه نك عهده تصرفنده اولوب داین مشارایه ترهین ایتدیکی قریه مذکوره ده ساقر اغاجنده کائن توسیع انتقالی وجانب یمین ویساری فارغ نك عهده سنده کی باغچه وارقه سی لب دریا وجهه سی طریق عام حدودلریله محدود والی یوز اون سکنر ذراع واون یازمقدن عبارت اولوب یکریمی بیک غروش قیمتنده بولنان مع باغچه بر باب خانه نك تاریخ اعلاندن اعتباراً اوچ کون صکره بالمزایده فروخته تشبث اولنه جغندن طالب اولنلرک کوچک چکمجه بدایت محکمہ سی اجرا دأره سنده مراجعت ایلملری اعلان اولنور.

قرنال قضاسی بدایت محکمہ سی اجرا دأره سنده :

محمد فؤاد بکک فاطمه موهبه خانم ذمتنده چند قطعه اعلام موجبجه مصارف محاکمه واجرائیه اوله رق غیر از محسوب مطلوبی اولدینی بالحساب اکلاشیلان بیک طقوز یوز اوتوز بریحق غروشک تأمین استیفاسی ضمتنده مدیونه مومی الیه نك والده سی حسنا خاندن منتقل یقه جق قریه سنده ولی عمریارنده یازیم ماصوره ماء لذیده اون حصه اعتباریله درت حصه سی وقریه مذکوره حمام زقاغنده برنومروایله مرقم ملک عرصه وینه قریه مذکوره پندک دره سی موقعنده اون درت دونم باغ محلیله قورقال نام محله اوچ دونم براولک ترلانک یکریمی درت سهم اعتباریله سکنر سهم حصه شایعه لری بیعی اهون اولاندن بدأ ایله فروخت ایدیه جتی جهته طالب اولنلرک قرنال بدایت محکمہ سی اجرا دأره سنده مراجعت ایلملری اعلان اولنور.

سلوری بدایت محکمہ سی اجرا دأره سنده :

سلوری بدایت محکمہ سی حقوق قسمندن لاحق اولان ۸ تشرین اول سنه ۳۱۴ تاریخی اعلام موجبجه سلوری زراعت بانق شعبه سی اداره سنک قصه مذکوره اهالی سندن حسن افندی ذمتنده محکوم به الاججی اولان مبالغ تأمین استیفاسی ضمتنده مدیون مومی الیه نك عهده تصرفنده اولوب اداره مذکوردنک طلب واستدعاسی اوزرینه جزی بالا اجرا موقع مزایده وضع ایدیلان قضای مذکوره مضاف عالی پاشا قریه سی مرعاسنده حمام دره نام محله قلاچی وخواجه محمد افندی منلا صالح وصغر یولی وقریه جامعنه مخصوص ترلا ایله محدود یوز سکنان دونم ترلا لدی المزایده آتی بیک اوچیوز وینه قریه مذکوره ده سولوکلکی چشمه سنده طرفلری سولوکلکی یولی وامین اغا ترلا سی وایکی طرفی چرکس عثمان بک ترلالریله محدود اوتوز دونم ترلا بیک غروشدن وینه قریه مذکوره ده پوسته کوی یولنده طرفلری ودیکر طرفی قلعه بدنی وخزینه خاصه ترلالریله محدود اوتوز دونم ترلا ایکی بیک یوز غروشدن باقه عهده سنده تقرر ایدرک قرار موقتی اجرا قلنمش وتاریخ اعلاندن اعتباراً اوتوز برکون صکره قرار قطع سی کشیده اولنه جتی مقرر بولنش اولدیغندن یوزده بش ضمیله طالب اولنلرک سلوری بدایت محکمہ سی اجرا دأره سنده مراجعت ایلملری اعلان اولنور.